

Kev Cais Neeg Ua Hauj Lwm Tsis Raws Cai rau Cov Neeg Ua Hauj Lwm Ywj Pheej



The Office of the
Minnesota Attorney General
helping people afford their lives and live with dignity, safety, and respect

Cov Neeg Ua Hauj Lwm Ywj Pheej Yog Leej Twg?

Cov tib neeg uas ua hauj lwm ncaj qha rau ib lub lag luam thiab pab ua cov hauj lwm uas lub lag luam xav tau yog cov neeg ua hauj lwm rau lub lag luam ntawd. Tiam sis, tus neeg ua hauj lwm ywj pheej tsis yog neeg ua hauj lwm rau lub lag luam ntawd. Nws yog ib tug neeg uas muaj daim ntawv cog lus nrog ib tug neeg los sis lub lag luam los pab ua ib txoj hauj lwm los sis muab kev pab raws li tau pom zoo.

Cov neeg ua hauj lwm ywj pheej yuav tau txais daim ntawv 1099 rau kev ua se, thaum cov neeg ua hauj lwm ncaj qha rau lub lag luam yuav tau txais daim ntawv W-2.

Kev Cais Neeg Ua Hauj Lwm Tsis Raws Cai rau Cov Neeg Ua Hauj Lwm Ywj Pheej

Kev cais neeg ua hauj lwm tsis raws cai rau cov neeg ua hauj lwm ywj pheej yog ib qho teeb meem loj heev hauv xeev Minnesota, thiab nws yog kev nyiaj nyiaj txiag.

- Muaj txog li 20% ntawm cov tswv lag luam yuav cais tsis raws cai yam tsawg kawg ib tug neeg ua hauj lwm ncaj qha rau lawv.
- Kev siv cov neeg ua hauj lwm ywj pheej twb nce mus txog li 10% ntawm tag nrho cov neeg ua hauj lwm.

Kev cais neeg ua hauj lwm tsis raws cai ua rau cov neeg ua hauj lwm, pej xeev, thiab cov tswv lag luam uas ua raws cai raug kev txom nyem

- Kev cais cov neeg ua hauj lwm tsis raws cai ua rau lawv tsis tau txais kev tiv thaiv zoo ib yam li cov neeg ua hauj lwm rau lub lag luam, suav nrog kev tiv thaiv nyob rau hauv Minnesota cov cai txog nyiaj hli thiab sij hawm ua hauj lwm, cov cai tiv thaiv kev ntxub

ntxaug, thiab kev tiv thaiv rau cov neeg qhia txog kev ua txhaum cai.

- Cov neeg ua hauj lwm uas raug cais tsis raws cai kuj tsis tau txais cov txiaj ntsig zoo ib yam li cov neeg ua hauj lwm rau lub lag luam, xws li Workers Compensation uas tiv thaiv kev raug mob hauv chaw ua hauj lwm, thiab as sus las poob hauj lwm uas pab thaum neeg poob hauj lwm los sis poob hauj lwm vim lub lag luam.
- Minnesota kuj yuav tsis tau txais cov nyiaj se uas lub xeev yuav tsum tau txais los ntawm cov se sau los ntawm cov nyiaj hli. Cov neeg ua hauj lwm uas raug cais tsis raws cai raug ris tag nrho cov nqi ntawm Social Security thiab Medicare, uas yuav tsum tau faib nyiaj sib npaug ntawm cov neeg ua hauj lwm thiab cov tswv lag luam.
- Cov lag luam uas cais neeg ua hauj lwm raws cai yuav raug kev txom nyem vim lawv nyob rau txoj hau kev sib tw tsis ncaj ncees nrog cov lag luam uas cais neeg ua hauj lwm rau lawv li cov neeg ua hauj lwm ywj pheej.

Koj Yuav Paub Li Cas Yog Koj Yog Ib Tug Neeg Ua Hauj Lwm Ywj Pheej?

Nws yog ib txoj kev txhaum cai rau ib tug tswv lag luam los cais ib tug neeg ua hauj lwm los ua ib tug neeg ua hauj lwm ywj pheej yog tias tus neeg ua hauj lwm ntawd yeej tsim nyog yog neeg ua hauj lwm rau lub lag luam ntawd. Ib tug tswv lag luam kuj tsis tuaj yeem yuam kom ib tug neeg ua hauj lwm los kos npe rau ib daim ntawv cog lus hais tias lawv yog neeg ua hauj lwm ywj pheej, thaum tseeb tiag lawv yog neeg ua hauj lwm rau tus tswv ntawd.

Rau lub hom phiaj kom muaj kev tiv thaiv ntawm nyiaj hli thiab sij hawm ua hauj lwm rau ib tug neeg ua hauj lwm

uas tsim nyog yog neeg ua hauj lwm rau lub lag luam hauj Minnesota yog tias:

- Tus tswv lag luam yog tus los tswj tus neeg ua hauj lwm txoj kev ua lawv txoj hauj lwm.
- Cov hauj lwm uas tus neeg ua hauj lwm ua yog ib feem tseem ceeb rau txoj kev lag luam ntawm tus tswv lag luam.
- Tus neeg ua hauj lwm yuav tsis muaj peev xwm ua kom tau nyiaj ntau los sis poob nyiaj rau txoj hauj lwm lawv ua. Txawm li ntawd los, lawv yuav muaj lub peev xwm tau nyiaj ntau vim tau ua hauj lwm raws li qho txheej txheem zoo li qhov faib nyiaj tawm los sis nyiaj commission. Qhov nov tsis tau txhais hais tias tus neeg ua hauj lwm yuav muaj feem ntau los ua ib tug neeg ua hauj lwm ywj pheej.
- Tus tswv lag luam muab cov khoom siv, cuab yeej, thiab chaw ua hauj lwm kom tus neeg ua hauj lwm muaj txoj kev los ua tau lawv cov hauj lwm.
- Tus tswv lag luam muaj cai tshem tus neeg ua hauj lwm yam tsis muaj kev ceeb toom, tsis qhia qhov laj thawj, los sis tus neeg ua hauj lwm tsis ua raws li cov cai los sis txheej txheem ua hauj lwm uas tus tswv tau teeb tseg.
- Tus neeg ua hauj lwm tsis muab cov kev pab uas lawv ua rau tus tswv lag luam rau pej xeem.
- Tus tswv lag luam yog tus yuav los lav lub luag hauj lwm rau kev ua txhaum, tus cwj pwm ntawm tus neeg, thiab cov kev ua hauj lwm thaum tus neeg tab tom ua hauj lwm.
- Tus neeg ua hauj lwm tau txais nyiaj hli raws sij hawm, xws li xoj moos, asthiv, hlis, los sis raws li ib feem ntawm kev ua hauj lwm, tsis yog tau nyiaj raws li ib txoj hauj lwm uas tau ua xwb.
- Tus neeg ua hauj lwm muaj cai tso tseg txoj hauj lwm thaum twg los tau yam tsis raug nplua.

Tsis muaj ib qho ntawm cov ntsiab lus no uas yog ib qho xwb uas yuav los txiav txim tau tias tus neeg ua hauj lwm puas yog ib tus neeg ua hauj lwm ncaj qha rau lub luag luam los sis ib tus neeg ua hauj lwm ywj pheej, thiab ib tug neeg ua hauj lwm tsis tas yuav tsum muaj txhua yam ntawm cov ntsiab lus no kom raug suav tias yog neeg ua hauj lwm ncaj qha rau lub lag luam.

Feem ntau, tus neeg ua hauj lwm yuav suav tias yog neeg ua hauj lwm ywj pheej raws cai yog tias:

- Tus neeg ua hauj lwm yog tus los txiav txim siab tias thaum twg, qhov twg, thiab yuav ua li cas thiaj ua tiav txoj hauj lwm.
- Cov hauj lwm ntawm tus neeg tau ua tsis muaj feem cuam tshuam rau tus tswv lag luam txoj kev ua hauj lwm.
- Tus neeg ua hauj lwm ntiav lawv neeg ua hauj lwm thiab kev pab cuam los pab ua kom tiav cov hauj lwm, thiab lawv muaj cov nqi siv tas li thiab rov muaj dua nyob rau hom hauj lwm lawv ua.
- Tus neeg ua hauj lwm tsis tuaj yeem poob lawv daim ntawv cog lus, yog tias lawv ua tiav txoj hauj lwm raws li tau pom zoo hauv daim ntawv cog lus.
- Tus neeg ua hauj lwm muaj ib lub chaw ua hauj lwm, lais xees lag luam, thiab ib thaj chaw ua hauj lwm uas ywj pheej tsis cuam tshuam nrog tus tswv lag luam.
- Tus neeg ua hauj lwm tau txais nyiaj rau cov hauj lwm uas lawv tau ua tiav xwb.
- Tus neeg ua hauj lwm yog tus lav ris rau lawv tus kheej yog tias tau ua txhaum, kev coj tus cwj pwm, thiab txoj kev ua cov hauj lwm.
- Tus neeg ua hauj lwm tau nqis peev los yuav cov cuab yeej, software, chaw ua hauj lwm, thiab lwm yam khoom siv uas tsis txuas nrog ib lub lag luam twg.
- Tus neeg ua hauj lwm yuav tso tseg tsis tau ib txoj hauj lwm los sis rhuav tshem ib daim ntawv cog lus nrog tus tswv lag luam yam tsis raug nplua.

Kev Cais Neeg Ua Hauj Lwm Tsis Raws Cai Ntawm Cov Lag Luag Tsim Kho

Pib txij lub Peb Hlis xyoo 2025, tus neeg ua hauj lwm hauv kev tsim kho yuav raug suav tias yog neeg ua hauj lwm ywj pheej yog tias lawv muaj ib lub lag luam, thiab lub lag luam ntawd ua tau raws li txhua yam hauv qab no:

1. Lub lag luam raug tsim tsa thiab tswj hwm ywj pheej ntawm tus neeg uas lub lag luam muab kev pab los sis ua hauj lwm rau;
2. Lub lag luam yog tus tswv, xauj, los sis ntiav cov cuab yeej, cov cuab tam, los sis chaw ua hauj lwm rau lawv tus kheej;
3. Lub lag luam muab los sis npaj yuav muab cov kev pab tsim kho uas zoo ib yam los sis sib xws rau ntau tus neeg los sis rau pej xeem;
4. Lub lag luam ua raws li cov cai lij choj ua se hauv tsoom fww thiab xeev Minnesota;
5. Lub lag luam muaj xwm txheej zoo uas yog ib lub lag luag zoo nrog lub Office of the Secretary of State ntawm Minnesota yog tias tsim nyog.
6. Lub lag luam muaj ib tus account as sus las rau kev poob hauj lwm hauv xeev Minnesota yog tias tsim nyog;
7. Lub lag luam muaj as sus las workers compensation yog tias tsim nyog;
8. Lub lag luam muaj tag nrho cov ntawv lais xees, ntawv registrations, thiab ntawv pov thawj uas tsim nyog;
9. Lub lag luam ua hauj lwm raws li ib daim ntawv cog lus kom muab tau ib qho kev pab tshwj xeeb, thiab daim ntawv cog lus yuav tsum tau kos npe thiab muab hnuv tim ntawm ob tog, lub lag luam thiab tus neeg uas txoj hauj lwm yuav tsum ua tiav rau; txoj hauj lwm yuav tsum ua tiav tsis pub dhau 30 hnuv ntawm hnuv pib ua txoj hauj lwm; qhia kom meej txog cov kev pab tshwj xeej; thiab qhia yuav them nyiaj li cas xws li nyiaj commission, kev ua ib txoj hauj lwm tiav, los sis kev sib tw.

10. Lub lag luam xa cov ntawv thov them nyiaj thiab tau txais nyiaj rau kev ua tiav cov kev pab tshwj xeeb uas tau teev tseg hauv daim ntawv cog lus uas muaj npe ntawm lub lag luam. Yog them nyiaj ntsuab, nws yuav tsis raug raws li txoj cai teev tseg no;
11. Cov ntsiab lus hauv daim ntawv cog lus tso cai rau lub lag luam los tswj txoj kev muaj cov kev pab tshwj xeeb, thiab lub lag luam yog tus tswj txoj kev ua kom tiav cov kev pab tshwj xeeb;
12. Lub lag luam yog tus los lav ris cov nuj nqis uas cuam tshuam txog kev muab cov kev pab tshwj xeeb raws li daim ntawv cog lus tau sau tseg;
13. Lub lag luam yog tus lav ris rau kev ua kom tiav cov kev pab tshwj xeeb los sis ua raws li daim ntawv cog lus sau tseg, thiab lub lag luam yog tus lav ris rau qhov tsis ua tiav cov kev pab tshwj xeeb; thiab
14. Lub lag luam muaj peev xwm tau txais nyiaj ntau dua los sis poob nyiaj raws li daim ntawv cog lus.

Kev Nplua

Ib lub lag luam uas cais cov neeg ua hauj lwm tsis raws cai kom los ua ib tug neeg ua hauj lwm ywj pheej yuav raug nplua raws li nram no:

- Cov nyiaj them rau kev puas tsuaj rau ib tug neeg ua hauj lwm. Qhov no yuav suav nrog:
 - Qhov sib txawv ntawm qhov uas tus neeg ua hauj lwm yuav tsum tau txais raws li ib tug neeg ua hauj lwm rau lub lag luam, suav nrog nyiaj hli, nyiaj ua hauj lwm ntau tshaj xoj moos, nyiaj rau kev hloov sij hawm ua hauj lwm, thiab nyiaj them rau hnuv so hauj lwm los sis mob;
 - Cov nqi ntawm cov txiaj ntsig xws li health as sus las, life, thiab disability, thiab cov nyiaj so thaum laus;
 - Cov nqi ntawm cov nyiaj uas tus tswv yuav tsum tau pab rau As Sus Las Poob Hauj Lwm, Social Security, thiab Medicare;
 - Lwm yam nuj nqis thiab nqi uas tus neeg ua hauj lwm tau raug vim tus tswv tsis cais lawv ua neeg ua hauj lwm rau lub lag luam.

- Nplua txog li \$10,000 rau ib tus neeg ua hauj lwm uas tus tswv lag luam tsis cais kom raws cai rau cov neeg ua hauj lwm rau lub lag luam.
- Nplua txog li \$10,000 rau txhua zaus uas tus tswv lag luam tsis cais ib tus neeg ua hauj lwm raws li txoj cai lij choj hauv zos, xeev, los sis tsoom fww; tsis qhia tias tus neeg ua hauj lwm yog neeg ua hauj lwm raws li qhov yuav tsum tau ua raws txoj cai lij choj; los sis yuam los sis thov kom ib tug neeg kos npe rau ib daim ntawv cog lus uas cais tsis raws cai, hais lus tsis tseeb, los sis los mus ua ib tug neeg ua hauj lwm ywj pheed.
- Nplua \$1,000 rau txhua zaus uas tus tswv lag luam thaiv txoj kev tshawb nrhiav ntawm lub Department of Labor and Industry's txog cov kev txhaum cai uas cuam tshuam txog kev cais neeg ua hauj lwm tsis raws cai.

Yuav Tiv Tauj Leej Twg

Yog tias koj ntseeg tias koj raug cais tsis raws cai, muaj ntau lub koom haum tsoom fww uas koj tuaj yeem tiv tauj, suav nrog:

Lub Chaw Hauj Lwm Ntawm Tus Attorney General muaj cai dav los tshawb xyuas kev ua txhaum ntawm cov cai hauv Minnesota hais txog nyiaj hli, suav nrog kev cais neeg ua hauj lwm tsis raws cai. Koj tuaj yeem tiv tauj Lub Chaw Hauj Lwm Ntawm Tus Attorney General rau ntawm:

Office of Minnesota Attorney General Keith Ellison

Wage Theft Division

445 Minnesota Street, Suite 600

St. Paul, MN 55101

(651) 296-3353 (Hu Hauv Cheeb Tsam Ntawm Twin Cities)

(800) 657-3787 (Hu Sab Nraud Cheeb Tsam Ntawm Twin Cities)

(800) 627-3529 (Minnesota Relay)

Lub Department of Labor and Industry hauv Minnesota yog lub koom haum hauv xeev uas muaj cai tshawb xyuas kev ua txhaum thiab siv ntau yam cai hais txog nyiaj hli hauv Minnesota, suav nrog kev cais neeg ua hauj lwm tsis raws cai. Koj tuaj yeem tiv tauj Lub Department of Labor and Industry rau ntawm:

Minnesota Department of Labor and Industry

443 Lafayette Road North St. Paul, MN 55155

(651) 284-5005 los sis (800) 342-5354

www.dli.state.mn.us

Email: dli.laborstandards@state.mn.us

Lub Department of Employment and Economic Development hauv Minnesota yog lub koom haum uas siv cov cai hais txog kev cais neeg ua hauj lwm tsis raws cai uas yog ib feem ntawm lawv txoj cai tswj hwm as sus las poob hauj lwm. Koj tuaj yeem tiv tauj Department of Employment and Economic Development rau ntawm:

Minnesota Department of Employment and Economic Development

1st National Bank Building

332 Minnesota Street, Suite E200

St. Paul, MN 55101

(651) 259-7114 los sis (800) 657-3858

www.mn.gov/deed

Email: DEED.CustomerService@state.mn.us

Lub Department of Revenue hauv Minnesota siv cov cai hais txog kev cais neeg ua hauj lwm raws li lawv txoj cai uas cuam tshuam txog kev ua raws li cov cai se ntawm cov tswv lag luam. Koj tuaj yeem tiv tauj lub Department of Revenue rau ntawm:

Minnesota Department of Revenue

Tax Evasion or Tax Fraud Tips Mail Station 6590

600 N. Robert Street St. Paul, MN 55146

(651) 297-5195 los sis (800) 657-3105

www.revenue.state.mn.us

Email: tax.fraud@state.mn.us

Lub Department of Commerce's Fraud Bureau hauv Minnesota yuav paub txog cov neeg ua hauj lwm uas raug cais tsis raws cai los ntawm lawv cov kev tshawb nrhiav kev ua txhaum cai cuam tshuam txog kev dag hauv kev pov hwm rau cov neeg ua hauj lwm. Koj tuaj yeem tiv tauj Department of Commerce's Fraud Bureau rau ntawm:

Minnesota Department of Commerce

Golden Rule Building 85 7th Place East Suite 280

Saint Paul, MN 55101

(651) 2539-1600

mn.gov/commerce/

Email: consumer.protection@state.mn.us